



Mlinzi na chekechea yake ya kipekee

Ursula Nafula and Nina
Orange
Kiswahili

Hi ni hadithi ya Mlinzi
na chekechea yake ya
wanyama mayatima.






Agosti ulikuwa mwezi wenye shughuli nyingi sana kwa Mlinzi na wasaidizi wake katika chekechea.

Aliyefika kwanza alikuwa
Mkite wa umri wa mwaka
mmoja.

Alikuwa ambebebw
katika lori la kijani kibichi.






Mlinzi na wasaidizi wake
walimwonea Mkite huruma
sana.

Alikuwa amekonda na mwenye
huzuni.

Lakini muda mfupi baadaye,
Mkite alikuwa mwenye
afya.

Alianza kucheza na wanyama
wengine katika chekechea.






Siku nyingine katika mwezi huo wa Agosti, helikopta ilitua mbele ya chekechea.

Mlinzi na wasaidizi wake
waliharakisha kwenda nje.

Ndani ya helikopta, mtoto
wa ndovu alifungwa katika
blanketi kubwa.





Ni Ndiwa aliyekuwa katika
blanketi.
Alikuwa na umri wa siku tano.


Mlinzi alimlisha Ndiwa
kutumia chupa.

Yatima wa tatu mwezi huo
alikuwa Malea.

Alifikshwa katika chekechea
kwa kubebwa kwenye trekta
nyekundu.

Alikuwa na umri wa miezi
sita.






Malea alikuwa kifaru.
Alikuwa rafiki wa karibu wa
Enkare ambaye alikuwa nyati
mtoto.

Walienda pamoja kila
mahali.

Usiku mmoja, kila mmoja
aliamshwa na kufika kwa
Ambia.





Ambia alikuwa na umri wa miezi mitano.

Alihisi njaa na uchovu baada ya safari ndefu.

Kwa sababu ya shingo lake
refu, Mlinzi aliishikia
chupa juu ili kumlisha.






Mapacha Abei na Moit
walifika katikati ya
mwezi Agosti.

Walikuwa wamezaliwa
saa chache tu.

Walikuwa wagonjwa sana.

Kila mmoja alihuzunika
wakati Abei aliaga dunia
wiki moja baada ya kufika
pale chekechea.

Lakini Mlinzi na wasaidizi
wake walimwokoa Moit.





Mayatima wa mwisho kufika
mwezi huo wa Agosti
walikuwa Kopi, Kepi na Keji.

Hawa wanasimba walikuwa na
umri wa wiki mbili.


Walihisi kiu sana walikpofika.



Mlinzi na wasaidizi wake
waliwapenda wanyama wote
hata wale watukutu.

Mtukutu zaidi alikuwa Lobolia.

Lobolia alizoea kuficha miwani
ya Mlinzi.



Watu wote hapo chekechea
wanafanya bidii kuwatunza
wanyama hawa watoto.

Wanatumai kwamba siku moja
mayatima hao wataweza
kujitegemea wenyewe siku
moja.

Halafu wataweza kurudi porini.



Wana umri gani na ni wangapi?

Soma tena hadithi kisha ujibu maswali haya.

1. Ni wanyama wangapi walifika katika chekechea mwezi Agosti?
2. Nani alifika kwanza?
3. Mnyama huyu alikuwa na umri gani?
4. Nani alifika mwisho? Wanyama hao walikuwa na umri gani?
5. Ni wanyama gani waliofika mwezi Agosti waliokuwa na umri wa chini zaidi?
6. Walikuwa na umri gani?
7. Ni mnyama yupi aliyefika mwezi Agosti aliyekuwa mzee kwa wote?


Mlinzi na chekechea yake ya kipekee

Writer: Ursula Nafula and Nina Orange

Illustration: Magriet Brink

Translated By: Ursula Nafula

Language: Kiswahili



© African Storybook Initiative



This work is licensed under a Creative Commons Attribution
(CC-BY 4.0) Version 4.0 International Licence

Disclaimer: You are free to download, copy, translate or adapt this
story and use the illustrations as long as you attribute or credit the
original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative